

ՖՐԱՆՍԻԱԿԱՆ ԲԱՆԱԿԻ ՀԱՅԿԱԿԱՆ ԼԵԳԵՈՆԸ 1916—1920
ԹՎԱԿԱՆՆԵՐԻՆ

Պատմ. գիտ. դոկտոր ԿԼԻՄԵՆՏ ՀԱՐՈՒԹՅՈՒՆՅԱՆ

Հայերը գործուն մասնակցություն են ունեցել ինչպես Առաջին համաշխարհային, այնպես էլ նրա ավարտից հետո մինչև 1920 թ. վերջերը պատերազմական տարբեր թատերաբեմերում տեղի ունեցած մարտական գործողություններին: Միայն 1914—1915 թթ. Թուրքիայում բնակվող շուրջ 3 միլիոն հայերից բանակ զորակոչվեցին ավելի քան 200 հազար հայ երիտասարդներ, որոնք նախ օգտագործվեցին աշխատանքային գումարտակներում, ապա համարյա ամբողջովին ոչնչացվեցին թուրքերի կողմից¹:

Ռուսական կայսրության մեջ բնակվող 2 միլիոն 54 հազար հայեր ցարական բանակին ավելցիկ շուրջ 250 հազար զինվոր, որը կազմում էր արևելահայերի 13 տոկոսը²: Բայց պատմական գիտությունների դոկտոր, պրոֆեսոր Ա. Հ. Հարությունյանի, ռուսական բանակի Արևմտյան և Կովկասյան ռազմաճակատներում մարտնչել են շուրջ 500 հազար հայ ռազմիկներ³: Ֆրանսիայի, Անգլիայի և ԱՄՆ-ի բանակներ զորակոչված հայ ռազմիկների թիվը անցնում էր 50 հազարից⁴:

Բացի վերոհիշյալից 1914—1916 թթ. Հայկական Ազգային բյուրոյի (Թիֆլիս) նախաձեռնությամբ և ռուսական կառավարության թուլյություններ կազմակերպվեցին հայկական 7 կամավորական ջոկատներ, որոնց շարքերում ընդգրկված էին շուրջ 9000 հայ մարտիկներ⁵, որոնք զգալի օժանդակություն ցույց տվեցին ռուսական զորքերին Արևմտյան Հայաստանի ազատագրման և թուրքական կոտորածներից հայ բնակչության մի մասի փրկություն գործում: 1916 թ. ամռանը ցարական կառավարությունը ցրեց այդ ջոկատները և նրանց հիման վրա կազմավորեց 5 գումարտակ, որոնք մտցվեցին ռուսական կանոնավոր բանակի կազմի մեջ: 1917 թ. նոյեմբերին կազմավորվեց Կովկասյան ռազմաճակատի Հայկական կորպուսը, որն իր շարքերում ուներ շուրջ 20.000 մարդ⁶. կորպուսի հրամանատար նշանակվեց գեներալ-լեյտենանտ Թ. Հ. Նազարբեկովը:

Հիշյալ ժամանակամիջոցում գոյություն է ունեցել հայկական մեկ այլ դորամաս ես, որը գործել է Մերձավոր Արևելքում՝ Պաղեստին—Լիբանան—Կիլիկիա ճակատում՝ ֆրանսիական բանակի կազմում ընդգրկելով թուրքերի: Դա Հայկական լեգեոնն էր, որն սկզբնական շրջանում կոչվում էր Արևելյան լեգեոն: Նրա սլառամությունը ինչպես խորհրդահայ, այնպես էլ արգի հայ սլառամագրության կողմից դեռևս հստակ գիտական ուսումնասիրության թե-

1 М. Г. Персиян. Геноцид армян в Османской империи, 1982, с. 7, 2. Թ. Սիմոնյան. Թուրք-հայկական հարաբերությունների պատմությունից. Երևան, 1991, էջ 261—262:

2 Հայ ժողովրդի պատմություն (ուժ հատորով). հ. 6, Երևան, 1981, էջ 547:

3 А. О. Арутюнян. Кавказский фронт 1914—1917. Ереван, 1971, с. 296.

4 Հայ ժողովրդի պատմություն, հ. 6, էջ 547, նաև՝ Կ. Ա. Հարությունյան. Հայ ժողովրդի ավանդրդ ֆաշիզմի դեմ տարած հաղթանակում.—«Հայկական բանակ», № 2—3, 1995, էջ 3—14:

5 А. О. Арутюнян. Указ. соч., с. 297.

6 Հայաստանի Հանրապետության պատմության պետական կենտրոնական արխիվ (ՀՀ ՊՊԿԱ), ֆ. 121, ց. 1 դ. 30, թ. 7:

մա չի դարձել, սակայն քիչ թե շատ ուսումնասիրվել է սփյուռքահայ հեղինակների կողմից, որոնք հիմնականում ռուսագրություններ են, ականատեսներին պատմություններ և կարևոր սկզբնաղբյուրներ են հանդիսանում Հայկական լեգեոնի պատմությունն ուսումնասիրողների համար: Այս առումով, հիշատակության են արժանի Տիգրան Պոյաճյանի, Ա. Գարամանուկյանի, Սարգիս Պողոսյանի հուշագրությունները, որտեղ փաստացի, հավաստի տեղեկություններ կան Հայկական լեգեոնի կազմավորման և գործունեության վերաբերյալ: Լեգեոնի մասին արժանահիշատակ տեղեկություններ են պարուակում Հայ ժողովրդի պատմության բազմահատորյակը, Հայկական սովետական հանրագիտարանը, պատմական շխտությունների գոկտոր, պրոֆեսոր Ռ. Գ. Սահակյանի և մի շարք այլ հեղինակների աշխատությունները:

Պաղեստինյան ճակատում և Կիլիկիայի տարածքում գործած Հայկական լեգեոնի կազմավորման և գործունեության համառոտ պատմությունը հետևյալն է:

Առաջին համաշխարհային պատերազմի սկզբնական շրջանում, Թուրքիայի կառավարությունը, օգտվելով «հարմար» պահից, Արևմտյան Հայաստանում և Օսմանյան կայսրության հայաբնակ այլ շրջաններում պլանավորված կերպով իրականացրեց հաջորդից հաջորդի ցեղասպանությունը, որին զոհ դառան ռուսական 1,5 միլիոն հայեր: Բռնի թուրքացման ենթարկվեցին շուրջ 200 հազար հայ կանայք ու երեխաներ: Բնաջնջելով ու տեղիսհան սնելով արևմտահայությունը, երիտթուրքական ղեկավարները դադանային եղանակով «լուծեցին» Հայկական հարցը: Թուրքիայի ներքին գործերի նախարար, երիտթուրքերի եռյակի առաջնորդներից Թալեաթ փաշան 1915 թ. արևմտահայերի Մեծ եղեռնն իրականացնելուց հետո պաշտոնապես ցինիկորեն հայտարարեց. «Չկա այլևս Հայկական հարց, քանի որ չկան նաև հայեր»⁷:

Արևմտահայերի ահավոր ջարդերի յուրը արագորեն տարածվեց աշխարհով մեկ և ամենուրեք առաջ բերեց առաջագեծ մարդկության զայրույթն ու բողոքը: Համաշխարհային հասարակական կառուցիչ ճնշման տակ 1915 թ. մայիսի 11-ին Անտանտայի երկրների՝ Անգլիայի, Ֆրանսիայի և Ռուսաստանի կառավարությունները հատուկ հայտարարությամբ դիմեցին Թուրքիայի կառավարությանը, որտեղ ոչ միայն դատապարտեցին անմեղ մարդկանց կոտորածները, այլև մարդկության դեմ կատարված այդ հանցագործությունների պատասխանատվությունը դրեցին Թուրքիայի կառավարության բոլոր անդամների, ինչպես նաև տեղական իշխանությունների ներկայացուցիչների վրա և զգուշացրին, որ պատերազմի ավարտից հետո նրանք կհանգնեն միջազգային դատարանի առջև: Անտանտայի երկրների կառավարությունները ամեն կերպ ձգտում էին հայերի ցեղասպանության նկատմամբ միջազգային հասարակայնության արտահայտած դալույթն ու բողոքներն օգտագործել Թուրքիայի և Գերմանիայի դեմ իրեն քարոզչության միջոց, որպեսզի իրենց հայտարարեն նահատակ ազգերի պաշտպան ու լողատարար և, դրանից օգտվելով, իրագործեն Թուրքիան ու Գերմանիան: Զախցսիտիու, ապա նրանք դադույթներն ու տարածքներն իրար մեջ բաժանելու համար իրենց այդ նպատակներն իրագործելու համար մեծ տեղությունները գաղտնի համաձայնու-

7 Տ. Պոյաճյան. Հայկական լեգեոնը. Ութրթաուն, 1965: Ա. Գարամանուկյան. Հայկական լեգեոնը պատմական ու քաղաքական հարցեր: լուսի տակ և վավերագրեր. Պերուս, 1974: Ս. Պողոսյան. Թրքահայ սպայի մր օրագիր. հ. Բ, Փարիզ, 1947:

8 Հայ ժողովրդի պատմություն, հ. 6, էջ 561—565: Հայկական սովետական հանրագիտարան. հ. 1, 1974, էջ 691, հ. 2, 1976, էջ 33: Ռ. Գ. Սահակյան. Թուրք-ֆրանսիական հարաբերությունները և Կիլիկիան 1919—1921 թթ., Երևան, 1970: Ա. Կենջյան. Սոցիալ-դեմոկրատ հնչական կուսակցությունը և Կիլիկիան ինքնավարության ակտը. Պեյրուս, 1958: Կ. Իզմիրլյան. Հայ ժողովրդի քաղաքական ճակատագիրը անցյալին և ներկայիս. Պեյրուս, 1964 և այլն:

9 Հայ ժողովրդի պատմություն, հ. 6, էջ 557:

թյան էին դալիս միմյանց հետ: Հենց այդպիսի քաղաքականության զոհ դարձան կիլիկիահայերը: Անգլիան, Ֆրանսիան և Ռուսաստանը 1916 թ. գաղտնի համաձայնագիր էին կնքել, որի համաձայն պատերազմի հաղթական ավարտից հետո Կիլիկիան մտնելու էր Ֆրանսիայի ազդեցության գոտու մեջ և ոչ մի խոսք չլիար հայերի ինքնավարության մասին: Սակայն իրենց նվաճողական քաղաքականությունը բուրժուական նպատակով Ֆրանսիական գաղութարարները սիրաշահում էին կիլիկիահայերին՝ ինքնավարություն շնորհելու կեղծ խոստումներով, որպեսզի նրանց ներգրավեն Մերձավոր Արևելքում գործող իրենց բանակի մեջ, բանի որ այն շատ թույլ էր և Ֆրանսիայից որևէ համարում չէր սպասում¹⁰, Հենց դրանով էր պայմանավորված այն, որ երբ 1916 թ. հոկտեմբերին Լոնդոնում Հայկական հարցի կապակցությամբ տեղի ունեցած բանակցությունների ժամանակ Հայ ազգային պատվիրակության նախագահ Պողոս Նուբարը առաջարկեց ջարդերից փրկված հայ տարագիրներից կազմակերպել առանձին դորամաս, ապա Ֆրանսիայի և Անգլիայի կառավարությունների լիազոր ներկայացուցիչներ ժորժ Պիլոն և Մալքո Սալբուր անմիջապես հավանություն տվեցին: զրան: Բանակցություններն ավարտվեցին հոկտեմբերի 27-ին կնքված համաձայնագրով, որով երկու պետություններ երաշխավորում էին հայերի ինքնավարության իրավունքը Կիլիկիայում՝ Ֆրանսիայի հովանավորության ներքո: Այդ համաձայնությամբ ստեղծվելու էր հայերից բաղկացած կամավորական մի զորամաս, որը Ֆրանսիական զորքերի կազմում մասնակցելու էր Թուրքիայի դեմ պատերազմական գործողություններին՝ պաղեստինյան ռազմաճակատում, իսկ հետագայում պետք է դառնար հայկական բանակի կորիզը: Կիլիկիայում¹¹:

1916 թ. նոյեմբերի 15-ին Ֆրանսիայի ռազմական նախարարությունը համապատասխան հրաման ընդունեց այդ զորամասը կազմավորելու մասին: ալն ստացավ Արևելյան լեգեոն անունը: Նոյեմբերի 26-ին Ֆրանսիական կառավարության որոշմամբ հաստատվեց այդ հրամանը: Որոշման առաջին հոդվածում նշված էր, որ Կիպրոսում պետք է կազմավորվի արևմտահայերից ձևավորված Արևելյան լեգեոն, որի անձնակազմը իրրև օժանդակ ուժ ծառայելու էր Ֆրանսիական զորքի տակ և պատերազմի ժամանակ մարտնչելու էր «Ասիական Թուրքիո մեջ»¹²: Լեգեոնի ծախսերը հոգսվու էր Ֆրանսիայի կառավարությունը, զորամասը ղեկավարելու էին Ֆրանսիացի սպաները: Կազմավորման աշխատանքներն իրագործվելու էին Կիպրոսում, որից հետո լեգեոնը պաղեստինյան ճակատում մասնակցելու էր Թուրքիայի դեմ մղվող մարտական գործողություններին¹³:

Պողոս Նուբարը Ֆրանսիական կառավարության այդ որոշման առթիվ հեռագրեց բոլոր հայ գաղթավայրերի ու Կովկասի հայությանը, որի մեջ ասված էր. «Դաշնակիցներու հաղթանակեն վերջ, մեր ազգային բաղձանքները պիտի գոհացվին, կր հանձնարառեմ ձեզ ձեռք առնել տալ բոլոր միջոցները քաջալերելու և դլուրադնելու համար կարելի ամենամեծ թվով կամավորներու զինավորագրությունը»¹⁴:

Արևելյան լեգեոնի հրամանատար նշանակվեց Ֆրանսիական բանակի ռեզայետ Ռոմիեոն, որը 1916 թ. նոյեմբերի վերջերին ժամանեց Կահիրե և Եգիպտոսի հայկական ազգային միություն: հետ համատեղ ձեռնամուխ եղավ լեգեոնի կազմավորման աշխատանքներին: Ազգային միության կողմ առաջինը լեգեոնի մեջ կամավորագրվեցին Մուսա լեոնյան լեգենդար պաշտպանները, որոնք ժամանակավորապես հանգրվան էին ստել Եգիպտոսի Պորտ-Սաիդ նավահանգստային քաղաքում: Նրանցից 600 հոգի, ովքեր ակտիվորեն

10 Ռ. Գ. Սահակյան. նշվ. աշխ., էջ 113:

11 Նույն տեղում, էջ 115:

12 Ա. Գարամանուկյան. նշվ. աշխ., էջ 42:

13 Տ. Պոյաճյան. նշվ. աշխ., էջ 8—10:

14 Ա. Գարամանուկյան. նշվ. աշխ., էջ 53:

մասնակցել էին թուրքական բանակի դեմ 40 օր տևած հերոսական մարտերին, առաջինների թվում կամավորագրվեցին Արևելյան լեգեոնում: Նրանց օրինակին հետևեցին 300 կախարահայեր և թուրքական բանակի 236 հայ ռազմադերձերներ: «Միջագետքի և Միջագետքի ճակատներեն անգլիացիներու կողմանե թուրքական բանակին առնված հայ ռազմադերձերները ես կամավոր արձանագրվեցան», — իր հուշերում վկայում է թուրքական բանակի հալ սպա Աարգիս Պոլոսյանը¹⁵:

Մուսալեոցիներից, Լեգեոտահայերից և թուրքական բանակի հալ ռազմադերձերներից էլ կազմավորվեց լեգեոնի առաջին գումարտակը: Նույնմբերի վերջերին և դեկտեմբերի սկզբներին այն փոխադրվեց Կիպրոս կղզի և հաստատվեց Ֆամագուստա նավահանգստից 15 կմ հյուսիս-արևելք ընկած Մոնարիա կղզվող ծովափնյա մի ամալի դաշտում: Շուտով Կիպրոս ժամանեցին Եգիպտոսից, Ֆրանսիայից, Ամերիկայից և այլ վայրերից հավաքագրված կամավորները և 6—7 ամսվա ընթացքում Արևելյան լեգեոնի անձնակազմը հասավ շուրջ 3000 հոգու: Լեգեոնի մեջ կային նաև բեսապցիներ, սբասաահայեր, արաբկիրցիներ, շնքուշատիցիներ և հայաշատ այլ վայրերից թուրքական ջարդերից հրաշքով փրկված հայորդիներ:

Լեգեոնի հոգևոր առաջնորդ նշանակվեց վարդապետ Վաղարշակ Արշակունին: Կրտսեր հրամանատարական կազմը (տեղակալներ՝ սերժանտներ) հիմնականում համալրված էր հայերից: Նրանց թվում էին՝ Վահան Փորթուգալյանը, Հակոբ Արևյանը, Զիմ Չանգլյանը, Հայկ Ազատյանը, Ժան Շիշմանյանը, Ռուբեն Հերյանը և ուրիշներ: Կարճ ժամանակամիջոցում լեգեոնականները բանակատեղում կանգնեցրին վրանատնակներ, ապա կառուցեցին զորանոցային շենքեր՝ անհրաժեշտ օժանդակ շինություններով, որից հետո ձեռնամուխ եղան կանոնավոր դինավարժությունների: Փորձված հրամանատարների ղեկավարությամբ նրանք մասնակցում էին Ֆիզիկական, մարտավարական, կրակային, շարային ամենօրյա պարապմունքներին, մարզվում հրացանաձգության, նշանառության, մենամարտի, վազարշավի, մարմնամարզության և այլ բնագավառներում, անցկացնում դինավարժություններ, գործիավար, զանազան մրցույթներ:

Արևելյան լեգեոնը սկզբնական շրջանում բաղկացած էր 4 գումարտակից, որոնցից մեկը գնդացրային և 37 մմ հրետանույին մարտկոցից: Առաջին գումարտակը ամբողջովին կազմված էր մուսալեոցիներից, երկրորդը՝ թուրքական բանակի հայ գերիներից, երրորդը՝ ամերիկահայերից, մնացած ստորաբաժանումները՝ տառերի վայրերից ժամանած հալ կամավորներից. ավելի ուշ ձևավորվեցին նաև լեգեոնի հինգերորդ, վեցերորդ և յսթերորդ գումարտակները:

Կիպրոսում լեգեոնը մնաց ավելի քան 16 ամիս և 1918 թ. մայիսին փոխադրվեց Եգիպտոս՝ Պորտ-Սահր, ապա՝ Քանթարա և Իսմայիլի: Կիպրոսում մնաց միայն հայկական մեկ ուսումնական վաշտ, որը զբաղվում էր այլ երկրներից ժամանող հալ կամավորների ընդունման և վարժեցման գործով, ինչպես նաև կատարում էր հրամանատարության հատուկ առաջադրանքներ: Այսպես, օրինակ, պաղեստինյան ճակատում մարտական գլխավոր գործողություններ սկսվելուց առաջ և նրա առաջին օրերին, հայկական վաշտի զինվորները Ֆրանսիական հրամանատարության առաջադրանքով, րոզարկվելով գիշերվա մթության մեջ, աննկատ դեսանտ իջեցրեցին թուրքական բանակի թիկունքում՝ Կիլիկիայի Տաշ-Ուճա ծովածոցի մոտ գտնվող Դանա Աղասրն լքված կղզյակում: Այնուհետև, գիշերները հալ կամավորներու նավակներով աննկատ իջնում էին թուրքերի ձեռքում գտնվող ափամերձ շրջանները և կատարում հանդուգն մարտական առաջադրանքներ. կտրատում էին հեռագրի և հեռախոսի լարերը, ականապատում ճանապարհները, պալ-

15 Ս. Պոլոսյան. նշվ. աշխ., էջ 133—133:

թեկնում թշնամու պինամթերքի պահեստներն ու դորանոցները և այլն: Սատանաների կերպարանքով քողարկված գիշերային այդ «անկուշ հուրերը» կոտորավոր, պոշավոր սև շեյթանները» ավելի քան 1,5 ամիս ա՛ն ու սարսափի մեջ էին պահում շրջակա թուրքական կայազորների զինվորներին, նրանց պատճառում սարդկային և նյութական պզալի կորուստներ: Այդ ընթացքում հայերը ոչ մի կորուստ չունեցան, իսկ թուրքերը տվեցին տասնյակ դոճեր, մեծ վնաս հասցվեց նրանց հագորդակցության ու կապի ուղիներին, զենքի ու պինամթերքի պահեստներին: Առաջադրանքը հաջողությամբ կատարելուց հետո հայ լեգեոնական զենամատյանները, Ֆրանսիական մի ռազմանավի օգնությամբ, հեռացան կղզուց և վերադարձան Կիպրոսի բանակատեղին¹⁶:

Կատարելով Ֆրանսիական հրամանատարության առաջադրանքը, Արևելյան լեգեոնի հիմնական ստորաբաժանումները 1918 թ. հուլիսի 12-ին հրաման ստացան շարժվել պակի արևելք: Հուլիսի վերջին նրանք հասան Հորդանանի Մեհտկ բաղաբը, որտեղ մտան սեզլո-ֆրանսիական դաշնակից զորքերի Պաղեստինյան զորաբանակի մեջ, որի գլխավոր հրամանատարը գեներալ էդմոնդ Հենրի Ալենպին էր: Մեծտեղի մեջ Արևելյան լեգեոնին միայն 150 սիրիացի արաբ կամավորներ՝ կազմելով առանձին վաշտ¹⁷: Օգոստոսի 26-ին լեգեոնը հասավ Պաղեստինի Ուատի Պալուսի Ռաֆաթ կոչվող շրջանը: Հենց այդ ժամանակ էլ զորամասը համալրվեց անգլիական «Սթոք» տիպի տվյալ ժամանակի համար կատարելագործված հրանոթներով, որոնք փոխարինեցին նախկին 37 մմ հին համակարգի հրանոթները: Չնայած նոր զենքին վարժվելու համար համեմատաբար քիչ ժամանակ էր մնացել, այնուամենայնիվ հայ հրետանավորները կարողացան տիրապետել նրան և մեծ արդյունավետությամբ օգտագործել շուտով տեղի ունեցած մարտական գործողությունների ընթացքում: Սեպտեմբերի 14-ի գիշերը լեգեոնը առաջ շարժվեց և հարձակման համար ելման դիրքեր գրավեց Ռաֆաթ գյուղի մոտ գտնվող Առարա բլրաշղթայի ձախ մասում՝ գեներալ Ալենպիի բանակի կենտրոնի առաջապահում: Արարայի բարձունքները գտնվում էին հակառակորդի ձևորում: Անգլո-ֆրանսիական դաշնակից զորքերը հարձակման համար դիրքեր էին գրավել Միջերկրական ծովի ափերից մինչև Հորդանան գետն ընկած սարածում: Նրանք ունեին ավելի քան 76 հազար զինվոր և 500 հրանոթ: Հակառակորդը՝ գերմանա-թուրքական բանակը, որի գլխավոր հրամանատարը գեներալ Լիման ֆոն Սանդհերսն էր, ուներ 50 հազար զինվոր և 300 հրանոթ¹⁸:

Գեներալ Ալենպին մաագրվել էր գլխավոր հարվածը հասցնել Հալֆա նավահանգստից հյուսիս՝ ծովեզրյա Սարոնի դաշտում և հակառակորդին դուրս շարտել Հուդայի լեռներից: Խելացի մարտավարության շնորհիվ նա կարողացավ խորամանկել թշնամուն և պատրանք ստեղծել, թե իբր իր գործերի ձախ թևը սպառնալիքի տակ է, որի համար էլ այդ ուղղությամբ՝ Հորդանանի հովտում է կենտրոնացնում գլխավոր ուժերը: Իրականում Ալենպին հիմնական ուժերը կենտրոնացրեց ծովեզրյա Սարոնի դաշտում և թշնամու զեւ ստեղծեց զորքերի թվական գերակշռություն. 15 մոտ¹⁹ երկարությամբ ճակատի վրա նա հակառակորդի 8 հազար հեռակալի և 130 հրանոթի դիմաց դուրս բերեց 35 հազար հեռակալ և 400 հրանոթ: Հառձակման սկիզբը նշանակված էր 1918 թ. սեպտեմբերի 19-ի առավոտյան ժամը 4³⁰-ին:

Ճիշտ նշանակված ժամանակին սկսվեց անգլո-ֆրանսիական զորքերի վճռական հարձակումը Պաղեստինյան ճակատում: Նախ զերմանա-թուրքական զորքերի խրամատներն ու ամրությունները ենթարկվեցին ուժեղ հրետանային և մասամբ էլ ավիացիոն ուժերակոծության. որից հետո դոճի ան-

¹⁶ Կ. Մ. Տեւս Նիբուան. Հայ կամավորների լեգեոնի անցյալից. — «Հայ զինվոր», 1—7 սուրբի 1995, № 12, էջ 8:

¹⁷ Տ. Պոյաճյան, նշվ. աշխ., էջ 107:

¹⁸ Նույն տեղում, էջ 114:

¹⁹ 1 մոտը հավասար է 1,6 կմ:

ցավ հետևակը: Հայ լեզբոնականները հարձակման անցան Արարա լեռան բարձունքների ուղղությամբ՝ Երուսաղեմ և Նաբլուս քաղաքների միջև ընկած ռազմավարական կարևոր շրջանում: Նոյն ժամ տևած կատաղի մարտերում, որոնք հաճախակի վեր էին ածվում դաժան սվինամարտի, ի վերջո հաղթանակ տարան հայ քաջորդիները: Նրանք թուրքերին ցած շարտեցին Արարայի բարձունքներից, գրավեցին թշնամու պաշտպանությունն առաջին գիծը և ամրապնդվեցին այնտեղ: Հակառակորդը չէր ուզում հաշտվել ռազմավարական կարևոր նշանակություն ունեցող դիրքերի կորստյան հետ, ուստի ուղքի գալով դիմեց հակահարձակման: Հինգ ժամ շարունակ Արարայի լանջերին բորբոքվեցին արյունահեղ նոր մարտեր, որոնց ընթացքում թշնամին, հանդիպելով հուժկու հակահարձակի, ետ շարտվեց: Սարսափահար փախչող թշնամու ռուսների վրայով՝ լեզբոնականները առաջ են շարժվում և գրավում նաև հակառակորդի պաշտպանության երկրորդ և երրորդ գծերը: Միաժամանակ աջակցելով լեզբոնիկ, հարձակման են անցնում հարևան ֆրանսիական՝ ալժիրյան և անգլիական՝ հնդկական զորամասերը: Կենտրոնում հայեր: կողմից ջախջախված և թևերից անզու-ֆրանսիական զորքերի կողմից շրջապատված գերմանա-թուրքական զորախումբը ստիպված թողնում է ռազմավարական կարևոր դիրքերը և անկանոն նահանջում հյուսիս՝ սկիզբ դնելով պաղեստինա-սիրիական ռազմաճակատի քայքայմանը: Արարայի ճակատամարտում տարած հաղթանակը նպաստեց դերմանա-թուրքական բանակի վերջնական ջախջախմանն ու նահանջին և այդ ռոտում իր զգալի ավանդն էր ներդրել Արևելյան լեզբոնը: Բարձր գնահատելով հայ լեզբոնականների դերը այդ հաղթանակում՝ զորավար Ալենպին 1918 թ. հոկտեմբերի 12-ին Հայ ազգային պատվիրակությանն ուղարկած հեռագրում նշել է. «Հպարտ եմ իմ հրամանատարության տակ հայկական զորամաս ունենալու համար: Նրանք կովեցին փայլուն կերպով և մեծ բաժին ունեցան հաղթանակում»²⁰: «Հայկական լեզբոնը ապացուցեց, որ նա ընդունակ է արիաբար կանգնելու ամենամահացու կրակի տակ անդամ», Փարիզ ուղարկած իր հեռագրում նշել է Մերձավոր Արևելքի ֆրանսիական զորքերի շտաբի աշխատակից, կապիտան Կուլոնդրը²¹:

Ռազմավարական մեծ նշանակություն ունեցող բարձունքների գրավումը կարևոր հաղթանակ էր, սակայն այն ձեռք բերվեց հայ քաջորդիների արյան գնով. 21 հայ լեզբոնական զոհվեց Արարայի լանջերին, 3 հոգի մի քանի օր անց մահացան ճակատամարտում ստացած վերքերից, 76 մարտիկ վիրավորվեց կամ խեղումներ ստացավ²²: Զոհվածների թվում էին՝ սերժանտներ Արշամ Ամբերիկյանը, Գուրգեն Զիլճյանը, Միսաք Հալոնճյանը, Մանուկ Տեր-Հակոբյանը, տասնապետներ՝ Մարտիրոս Բարայանը, Հովհաննես Գուլումջյանը և ուրիշներ: Մարտն ավարտվելուց հետո զոհված հայորդիներին զինվորական բուրձ մեծարանքներով հողին հանձնեցին Ռաֆայի գյուղի մոտ: Հերոսների հիշատակին նվիրված սգո արարողության ժամանակ սրտաբուխ խոսք ասաց լեզբոնի հրամանատար, գնդապետ Ռոմիեոն, որը բարձր գնահատեց ինչպես մարտում քաջարար զոհվածների, այնպես էլ ողջ մնացածների կատարած սխրանքները²³:

Ինչպես նշեցինք, Արարայի ճակատամարտում տարած հաղթանակը նպաստեց թուրքական ճակատի ճեղքմանը: Եվ այդ տեղամասում, որից օգտվելով՝ բրիտանական հեծելազորը հաջորդ օրը՝ սեպտեմբերի 20-ին, 15—20

20 Ռ. Գ. Սահակյան. նշվ. աշխ., էջ 117:

21 Նույն տեղում:

22 Հայկական սովետական հանրագիտարան, հ. 1, էջ 691:

23 1925 թ. նոյեմբերի սկզբներին Արարայի հերոսների աճյունները Ռաֆայից տեղափոխվեցին Երուսաղեմ և նույն ամսի 25-ին մեծ շուքով թաղվեցին բաղաբի հայկական ազգային գերեզմանատանը: Գերեզմանին կանգնեցվեց հուշարձան՝ «Արարայի քաջ հերոսներուն» մակագրությամբ:

մղոն ճակատով, 50 մղոն խորությամբ, մխրճվեց թշնամու դիրքերը և ստիպեց նրան անկանոն կեռպով վախուստի դիմել: Թուրքական ամբողջ ռազմաճակատը Միջերկրական ծովից մինչև Մեռյալ ծով բայթալված էր: Թուրքական «Յըլդըրմ» անպարտելի համարված բանակը ջախջախված էր: Շարունակելով առաջխաղացումը՝ դաշնակիցների զորքերը, որոնց հետ նաև Արեւիկյան լեգեոնը, հոկտեմբերի 1-ին ազատագրում են Դամասկոսը, հոկտեմբերի 6-ին՝ Բեյրութը, իսկ 26-ին՝ Հալեպը: Լեգեոնականների մարտական ուղին Ռաֆաթ Արարայից ձգվեց հյուսիս՝ ավելի քան 250 կմ: Նշանք ակտիվ մասնակցություն ունեցան Պաղեստինի, Հորդանանի, Սիրիայի և Լիբանանի տարածքների ազատագրմանը օսմանյան լծից և նպատակահին տյուրանի: որ այդ երկրների մոզոփոփոցները հետագայում ստեղծեն ինքնուրույն պետություններ: Բեյրութում լեգեոնին միացավ Կիլիկիայից ժամանած նորակազմ 5-րդ դոմարտակը, որը այնուհետև մասնակցեց հետագա մարտական գործողություններին:

Ֆրանսիական հրամանատարությունը բարձր գնահատեց հայ լեգեոնականների ծառայությունը՝ նրանցից 25 հոգու պարգևատրելով «Մարտական խաչ» շքանշանով:

Թուրքիայի պարտությունը կատարյալ էր, և նա ստիպված էր 1918 թ. հոկտեմբերի 30-ին էգեան ծովի Լեմնոս կղզու Մուդրոս նավահանգիստում խարխսի նետած անգլիական «Ազամեմնոն» հածանավի վրա Մեծ Բրիտանիայի հետ կնքել զինադադարի պայմանագիր: Ըստ Մուդրոսի պայմանագրի, Անտանտայի երկրները իրավունք են ստանում գրավել Բոսֆորի և Դարդանելի նեղուցների ամրությունները, իրենց ռազմանավերը կարող էին ապաստոնել լողարկել այդ նեղուցներով և մուտք գործել Սև ծով: Թուրքական կալոզորները կապիտուլյացվում են Հիջազում (այժմ Սաուդյան Արաբիայի մի մասը, որտեղ պտնվում են մուսուլմանական սրբավայրերը), Իրաքում, Սիրիայում և Եմենում, իրենց զորքերը դուրս են բերում Իրանից, Անգրկովկասից և Կիլիկիայից²⁴: Կիլիկիայից թուրքական զորքերը պետք է հետ քաշվեին մինչև 1918 թ. դեկտեմբերի 18-ը, իսկ հայերին իրավունք էր տրվում ներգաղթել իրենց հայրենիք: Մինչև նշված ժամկետը Կիլիկիայից շահանջած թուրքական զինվորներն ու սպաները գերվելու էին, իսկ նրանց զենքն ու զինամթերքը ենթակա էին բռնազրավման:

Ֆրանսիական կառավարության և Հայ առգաուին պատվիրակության միջև կայացած համաձայնությունով նրանք լեգեոնը իրավունք է ստանում մրտնել Կիլիկիա, հետևել թուրքական զոբամասերի հեռանալուն, ինչպես նաև զբաղել երկրամասի կարևոր ռազմավարական շրջանները: Այդ համաձայնությամբ հայ լեգեոնականներին, փաստորեն, առաջինը ֆրանսիական զորքերից Կիլիկիա մտնելու իրավունք էր տրվում: Նշենք, որ Ֆրանսիան այդ ժամանակ և հետագա ամիսներին՝ մինչև 1919 թ. հունիսը, Սիրիայի ու Կիլիկիայի սահմանադժում Հայկական լեգեոնի: հինգ գումարտակներից բացի համարյա ուրիշ զորամասեր չունեիր:

Կիլիկիա արշավիլուց առաջ, 1918 թ. նոյեմբերի 15-ին, Բեյրութում ստացվեց ֆրանսիական կառավարության որոշումը՝ Արեւիկյան լեգեոնի անվանումով խորհրդի մասին: ա:դուհետև լեգեոնը տաշտոնապես ստացավ Հայկական լեգեոն անվանումը: Նույն օրն էլ ստացվեց Ֆրանսիայի ռազմական նախարարության հրամանը՝ Հայկական լեգեոնը Կիլիկիա: Կիլիկիա մտնելու նույնիսկ 21-ին Բեյրութից՝ Այնթապից բերվելով, նախորդ Կիլիկիա է ուղևորվում լեգեոնի առաջին գումարտակը և տեղ հասնելով խորանում երկրի ներքին շրջանները: Դեկտեմբերի 16-ին Կիլիկիա փոխադրվեցին լեգեոնի 2-րդ և 5-րդ գումարտակները, որոնք շարժվում են դեպի հյուսիս: Նրանցից առաջինը գրավում է Դարթ-Յոյ, Բոփրակ-կալե, Իսլահիե բնակավայրերը, իսկ երկրորդը մտնում է Առանա: Լեգեոնի 3-րդ գումարտակը այդ բնակավայրում

²⁴ Հայկական սովետական հանրագիտարան, հ. 8, Երևան, 1982, էջ 72,

գրավում է Կիլիկիայի Մերսին, Տարսոն և Բողանթի քաղաքները: Լեզեոնի զգալի ուժեր տեղավորվեցին նաև Ալեքսադ, Մարաշ քաղաքներում և այլ բնակավայրերում: Փաստորեն ողջ երկրամասն անցնում է Հայկական լեզեոնի վերահսկողության տակ:

1919 թ. փետրվարին Կիլիկիայի գլխավոր կառավարիչ է նշանակվում Ֆրանսիացի գնդապետ էդուարդ Բրեմոն: Բացի Հայկական լեզեոնից, նա իր տրամադրության տակ չունի այլ զորամասեր, ուստի շատ դժվար էր դիմակայել թուրքական ճնշմանը, որն այդ շրջանում բավականին ուժեղ էր: 1918 թ. վերջերից մինչև 1919 թ. սկզբները Կիլիկիայում և նրա հարակից շրջաններում դեռևս ոչ քիչ թվով չզինաթափված թուրքական զորամասեր կային, մասնավորապես թուրքական մի ամբողջ բանակ մնացել էր երկրամասից արևելք՝ Եփրատ և Տիգրիս գետերի միջև ընկած շրջանում: Բուն Կիլիկիայում Հայկական լեզեոնի դեմ հանդիման կանգնած էր թուրքական 3-հազարանոց ժանդարմական մի գունդ, բացի այդ, թուրքական մի քանի գումարտակներ ամրացել էին Բաղդադի երկաթուղու Կիլիկիայի հատվածի երկայնքով: Ել շնք խոստում մինչև ատամները պինդված Կիլիկիայի թուրքերի և հայաշատ վայրերում վերաբնակեցված թուրք մուհաջիբների մասին, որոնց թուրքական նահանջող զորքերը թողել էին ավելի քան 25 հազար հրացան²⁵:

Սկզբնական շրջանում թուրքերը երկյուղած էին հայկական զորքերից, սակայն ոգևորվելով Ֆրանսիական կառավարիչի անտարբեր վերաբերմունքից, հաճախ նաև նրա և նրա սպասավորների լուռ խրախուսանքից, ավելի ու ավելի թշնամարար կին տրամադրվում հայերի նկատմամբ: Դա ավելի բացահայտորեն դրսևորվեց հատկապես այն ժամանակ, երբ սկսեցին Կիլիկիա վերադառնալ եղեռնից հրաշքով փրկված և հարևան երկրներում ապաստան գտած շուրջ 150 հազար հայ տարագիրներ²⁶: Հայ-թուրքական ընդհարումները կանխելու, ինչպես նաև Մուդրոսի համաձայնագրով թուրքերի կողմից ընդունված պայմանները կոպտորեն խախտելու փորձերը վերացնելու, երկաթուղու շրջանում գտնվող թուրքական զորքերը զինաթափելու կամ այնտեղից քշելու նպատակով դաշնակից զորքերի ընդհանուր հրամանատար, զորավար Ալենպիի հրամանով 1919 թ. փետրվարի կեսերին Կիլիկիա է ուղարկվում ցամաքային 19-րդ բրիգադը՝ դեռևս չլեզեոնի հրամանատարության մեջ: Փետրվարի 15-ին Լեսիլին ժամանում է Ադանա: Նրա բրիգադում կար հընգիկներին բաղկացած շորս գունդ, որից մեկը հեծյալ, անգլիացիներից կազմված մեկ հետևակ գունդ, գնդացրային մեկ ջոկատ և աշխատանքային մի քանի ստորաբաժանումներ: Ամբողջ իշխանությունը Կիլիկիայում փաստորեն կենտրոնացվեց անգլիական հրամանատարության ձեռքում: Այս դրությունը պահպանվեց մինչև 1919 թ. նոյեմբերը²⁷:

Կիլիկիա վերադարձած հայերը լուրջ հույսեր էին կապում դաշնակից մեծ տերությունների հետ, հավատում Ֆրանսիայի հովանավորության ներքո ինքնավար հայկական պետություն ստեղծելու նրանց տված խոստումներին: «Մեր ցանկությունն է, որ հայերը տեղ գտնան իրենց երկրին... Մենք պիտի առաջնորդենք զիրենք մինչև որ անոնք աճին, մեծանան ու երբ սկսին ինքնզինքնի կառավարելու դործին մեջ հաջողիլ, այն ատեն մնաք բարով պիտի ըսենք ու հեռանանք»²⁸, — սուկ է էդուարդ Բրեմոն: Իր խոստումներով Բրեմոնից ետ շէր մնում նաև Մերձավոր Արևելքի Ֆրանսիական բանակի գլխավոր հրամանատար, գեներալ Գուրոն. «Կիլիկիան հայուն դարավոր հայրե-

25 Բ. Գ. Ս ա հ ա կ յ ա ն. Նշվ. աշխ., էջ 112:

26 Հայ ժողովրդի պատմություն, հ. 6, էջ 562:

27 Բ. Գ. Ս ա հ ա կ յ ա ն. Նշվ. աշխ., էջ 119:

28 Ա. Կ ե ն ջ յ ա ն. Սոցիալ-դեմոկրատ հնչակյան կուսակցությունը և Կիլիկիայի ինքնավարության ակտը, էջ 210:

սիքն է,—նշել է նա,—Կիլիկիան ազատագրվեցավ հայ կամավորներու թափած արյամբ և ուստի Կիլիկիան հայուն պիտի ըլլա»²⁹:

Այդ խոստումներից ոգևորված Կիլիկիա վերագործած հայերը անմիջապես ձեռնամուխ եղան իրենց ավերված բնակավայրերը վերականգնելու, կորցրած կայքն ու գույքը բերելու, մշակութային, հասարակական մեռած կյանքը վերակենդանացնելու գործին: Սակայն հայերի այդ ոգևորությունը երկար չտևեց, որովհետև շուտով ինչպես Կիլիկիայի, այնպես էլ արաբական երկրների բաժանման հարցում սրվեցին անգլո-ֆրանսիական հարաբերությունները, որի հետևանքով անգլիացիները կրկրամասից հանեցին իրենց ենթակայության տակ գտնվող զորքերը և դրանք փոխադրեցին այսպես կոչված Կարմիր գոախ³⁰, Կիլիկիայում թուրքական մեծաթիվ զինված զանգվածների դեմ մնացին ալժիրցի մահմեդականներից կազմված, թվաքանակով քիչ ֆրանսիական ստորաբաժանումներ, որոնք բարյացակամորեն էին տրամադրված իրենց հավատակիցների նկատմամբ, և Հայկական լեգեոնը, որի անձնակազմը հասնում էր շուրջ 3000—5000-ի³¹: Սակայն լեգեոնի ուժերը ցրված էին Կիլիկիայի տարբեր մասերում, որը հետագայում աղետալի հետևանքներ ունեցավ նրանց համար: Բացի այդ, շատ անորոշ էր լեգեոնականների կարգավիճակը. նրանք թեև պաշտոնապես չէին մտնում ֆրանսիական բանակի մեջ, սակայն աշխատավարձ և մատակարարում ստանում էին այնտեղից: Նրանք մշտապես գտնվում էին սպասողական վիճակում, քանի որ կարծում էին, թե Ֆրանսիան Կիլիկիային ինքնավարություն կընորհի, իսկ լեգեոնն էլ պետք է վերակազմավորվի Կիլիկիայի հայկական պետության բանակի: Այս անորոշ վիճակն ավելի բարդացավ, երբ 1919 թ. մայիսին գնդապետ Ռոմիեռոյի փոխարեն Հայկական լեգեոնի հրամանատար նշանակվեց դեր-գնդապետ Ֆլի-Սենթ Մարին, իսկ նույն տարվա դեկտեմբերի 2-ին Բեյրութից Ադանա փոխադրվեց Մերձավոր Արևելքում ֆրանսիական առաջին զորաբաժնի հրամանատար գեներալ Ժուլիեն Տյուֆոն: Վերջինս Կիլիկիայում ստեղծեց ոչ թե հայկական ինքնավարություն, այլ՝ զինվորական իշխանություն՝ իր տրամադրության տակ շունենալով համապատասխան քանակության ուժեր: Զինվորականների այդ վերաբերմունքը հայերի նկատմամբ պատահական չէր և բխում էր ֆրանսիական կառավարման շրջաններից, որոնց նպատակը ոչ թե հայերին ինքնավարություն տալն էր, այլ Կիլիկիան իրենց գաղութ դարձնելը: Հենց այդ են հաստատում Ֆրանսիայի վարչապետ Բրիանի խոսքերը, որոնք ասվել են 1920 թ. մարտի 27-ին կառավարության նիստի ժամանակ. «Կիլիկիան շատ հարուստ երկիր մըն է: Վաղը եթե մենք չըլլանք, ո՞վ պիտի ըլլայ մեր տեղը: Եթե տեսնենք, որ մեր տեղը ուրիշն եկած է, այն ատեն պիտի հասկանանք մեր սխալը և պիտի զղջանք... Կիլիկիա կը նշանակե բամբակ, որ կը պակսի մեզի, ինչպես նաև շատ մը հարստություններ»³²: Ֆրանսիայի վարչապետը «ուրիշն» ասելով հասկանում էր առաջին հերթին հայերին, որոնք միամտորեն հավատացել էին, թե «ազատարար» Ֆրանսիան Կիլիկիան վերագործնելու է իրենց: Ուստի պատահական չէր, որ երբ 1920 թ. օգոստոսի 3-ին Ադանայից արևելք գտնվող Սիհան և Ճիհան գետերի միջև ընկած տարածքում հայ ազգային կուսակցություններն առանձին-առանձին հռչակվեցին «Միջագետքի հանրապետություն», ապա գնդապետ Բրեմոն

²⁹ Նույն տեղում, էջ 280:

³⁰ 1916 թ. մայիսի 16-ին Անգլիայի և Ֆրանսիայի միջև կնքված այսպես կոչված Սայքս-Պիկոյի համաձայնագրով անգլիացիներին էր անցնում Կարմիր գոտին, որն ընդգրկում էր Իրաքի հարավային մասը (Բաղդադ և Բոսորա քաղաքներով), ինչպես նաև պաղեստինյան Հայֆա և Արբա նավահանգիստները:

³¹ Ս. Պոյա ճյառ. Նշվ. աշխ., էջ 133, Ռ. Գ. Սահակյան. Նշվ. աշխ., էջ 116:

³² Կ. Իգմիրլյան. Նշվ. աշխ., էջ 210:

հենց նույն օրը վերացրեց այդ հանրապետությունները: Նույն ճակատագրին արժանացավ նաև օգոստոսի 4-ին Ադանայում Հայ ազգային պատվիրակության Կիլիկիայի լիազոր ներկայացուցիչ Սիհրան Տամասյանի նախագահած Ազգային գերագույն խորհրդի կողմից Ֆրանսիայի հովանավորության ներքո հռչակված ինքնավար Հայաստանի Հանրապետությունը: Վերջինս գոյություն ունեցավ ընդամենը երկու օր և ֆրանսիացիների կողմից ցրվեց օգոստոսի 6-ին: Ֆրանսիացիների այդ հակահայկական գործողությունները արժանացան տեղական թուրքերի, ինչպես նաև Անկարայի քեմալական թուրքիայի կառավարության գովեստներին: Դրանից հետո ֆրանսիական իշխանությունները սկսեցին աստիճանաբար կրճատել Հայկական լեզունի թվական կազմը՝ 5000-ից այն հասցնելով 1500-ի: Դա քեմալականների հռչակած ազգային պատերազմի օրերին ոչ միայն սխալ էր, այլև՝ դավաճանություն հայերի նկատմամբ:

Այդ շրջանում Օսմանյան կայսրության ամբողջականությունը պահպանելու համար քեմալականները իրենց պայքարն սկսեցին Կիլիկիայի ճակատից, որտեղ անգլիական զորքեր չկային, իսկ ֆրանսիացիները չսփազանց թույլ էին և վատ չէին տրամադրված թուրքերի նկատմամբ: Քեմալականները, շարունակելով երիտթուրքերի հակահայկական քաղաքականությունը, ծրագրել էին վճռական պայքար մղել բոլոր այն շարժումների դեմ, որոնց նպատակը անկախ Հայաստանի ստեղծումն էր³³:

1919—1921 թթ. քեմալականները Կիլիկիայում գործողություններ ծավալեցին: Նրանք իթթիհաթականների (երիտթուրքերի) հետ միասին մահմեդական ազգաբնակչությանը բորբոքում էին հայերի դեմ, նրանց գաղտնի կերպով լինում և ապահովում էին ռազմամթերքով: «Օրը ցերեկով,—գրել է դեպքերի ակնատես ֆրանցիսկյան հայրերի Մարաշի վանքի վանահայր Մատերն Մյուրեն,—քեմալական ղեկավարները տեղական իշխանությունների հետ գործակցած ղենք ու ռազմամթերք էին բաժանում քաղաքի ու շրջակայքի բնակիչներին, գնդացիներն առաքում քաղաք, տները պատերի մեջ հրականատներ պատրաստում և, վերջապես, բարիկադներ կառուցում»³⁴: Ֆրանսիական իշխանությանը ոչինչ չձեռնարկեց քեմալականների գործողությունների դեմ և չօգնեց հայերին դիմակայելու թուրքերին: Դեռ ավելին, 1920 թ. օգոստոսի 19-ին, Սևրի պայմանագրի կնքումից 9 օր անց, Մերձավոր Արևելքի ֆրանսիական զորքերի գլխավոր հրամանատար պեներալ Դուրոն, առաջին զորաբանակի հրամանատար գնդապետ Տյուֆոն և Հայկական լեզունի հրամանատար գնդապետ Ֆլի-Սեյնթ Մարին հրաման ստորագրեցին Հայկական լեզունը կազմացրելու մասին³⁵:

Լեզունի ցրումից հետո լեզունականների մի զգալի մասը ֆրանսիացիների կողմից զինաթափ արվեց և հեռացվեց Կիլիկիայից, իսկ մի մասը շենթարկվելով ֆրանսիացիներին, մնաց և մասնակցեց Կիլիկիայի տարբեր քաղաքներում թուրքերի դեմ հայերի մղած հերոսամարտերին:

Ավարտելով 1916—1920 թթ. ֆրանսիական բանակի կազմում գոյություն ունեցած Հայկական լեզունի մասին մեր սույն համառոտ ակնարկը, դալիս ենք այն եզրակացության, որ Հայ ազգային պատվիրակության և Անգլիայի ու Ֆրանսիայի կառավարությունների համաձայնությամբ վերոհիշյալ ժամանակամիջոցում ստեղծված, հիմնականում Մեծ եղեռնից փրկված հայ կամավորներից կազմավորված շուրջ 5000 անձնակազմ ունեցող հայկական այդ զորամասը կարևոր դեր է կատարել Մերձավոր Արևելքում դաշնակից երկրների զորքերի թուրքերի դեմ տարած հաղթանակում:

33 Ե. Ս ա ր գ ս յ ա ն, Թ. Ս ա հ ա կ յ ա ն. Հայ ժողովրդի նոր շրջանի պատմության նենգափոխումը թուրք պատմագրության մեջ. Երևան, 1963, էջ 44:

34 Թ. Գ. Ս ա հ ա կ յ ա ն. Նշվ. աշխ., էջ 138—139:

35 Տ. Պ ո յ ա ճ յ ա ն. Նշվ. աշխ., էջ 372—375:

АРМЯНСКИЙ ЛЕГИОН ФРАНЦУЗСКОЙ АРМИИ
В 1916—1920 ГОДЫ*Доктор истор. наук КЛИМЕНТ АРУՄՅՈՒՅԱՆ*

Р е з ю м с

Согласно акту, принятому 27 октября 1916 г. в Лондоне между председателем Армянской национальной делегации Погос Нубар пашой и полномочными представителями правительств Франции и Англии Жоржем Пико и Майклом Саксом в конце ноября в составе французской армии на острове Кипр сформировался Восточный легион, состоявший преимущественно из западных армян. С 15 ноября 1918 г. легион официально получил название Армянского. Личный состав легиона достигал 3000—5000 человек. Он принимал активное участие в боевых действиях против Османской Турции на Палестино-сирийском фронте и особенно отличился в битве 19 сентября 1918 года за высоты горы Арар, победа в которой сыграла решающую роль при прорыве обороны противника и увенчалась его полным уничтожением.

После Арарского сражения легион в авангарде англо-французских войск с боями прошел более 250 км. и 6 октября вошел в Бейрут. Впоследствии Армянский легион был переброшен в Киликию, где активно участвовал в освобождении края от турецких войск. Однако 19 августа 1920 г. легион был предательски расформирован французами.

THE ARMENIAN LEGION OF THE FRENCH ARMY
in 1916—1920s*Doctor of Hist. Sc. KLIMENT HARUTYUNYAN*

S u m m a r y

According to the Act (October 27, 1916) signed in London by the head of the Armenian national delegation Poghos Nubar Pasha and plenipotentiary representatives of the governments of France and Britain at the end of November on Cyprus was formed the Eastern Legion of the French Army consisting mainly of the Western Armenians. Since 15 November 1918 the Legion adopted officially the name—«Armenian». It numbered 3000—5000 people. The Armenian Legion took active part in military actions against the Ottoman Empire on the Palestine-Syrian front and especially distinguished itself in the battle for the Arara mountain's heights (September 19, 1918) when the enemy was completely annihilated. After the Arara battle the Armenian Legion in the vanguard of the British-French forces marched 250 km with battles and on October 6 entered Beirut. Later the Armenian Legion was transferred to Cilicia where it took active part in liberation of the country—fighting against Turkish troops. But, on August 19, 1920 the Legion had been treacherously disbanded by the French authorities.